

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 75. An & qualiter administratio & jurisdictione Episcopalis transeat
ad Capitulum sede vacante.

[urn:nbn:de:hbz:466:1-73957](#)

in c. inter cetera, de præb. circa finem. Jo. And. in c. cum M. de constit. num. 11. Fagn. ibid. num. 62. § 63. Sed neque ex eo conficitur promissionem factam ab Episcopo de vacatura proxime præbenda esse validam, & obtinere vim obligandi, quod c. relatum, de præb. Papa sic rescribat Episcoporum ei præbendam si qua nunc vacat, vel cum ibi primò vacaverit, secundum promissionem tuam concedas liberaliter: quam promissionem Gl. ibid. v. in promissis. ait valere, nam glossam illam esse contra communem opinionem, à qua non sit recedendum, ait Fagn. l.c. num. 59. et si autem Papa mandet ei conferti præbendam juxta promissionem, non tamen id facit, quia jus aliquod recepto in Canonicum per eam qualitatem, sed ad majorem aggravationem Episcopi recusantis illi conferte præbendam, ponderat illam promissionem, ut notant. Abb. in c. dilectus filius de præb. num. 5. & Fagn. ubi ante num. 62. apud Reiffenst. b. t. n. 84. de cetero an & qualiter talis Canonicus supernumerarius ante obtentam præbendam habeat stallum in choro, vocem in Capitulo, & distributiones quotidianas recipiat. Vide apud eundem Reiffenst. a num. 85.

Quest. 73. An Episcopus aliusve collator ordinarius delegare seu concedere possit alteri facultatem conferendi beneficium proxime vacaturum?

R Esp. Tametsi, postquam vacat beneficium, collator ordinarius possit alteri conferre potestatem conferendi illud, ut cum communi Pith. b. t. num. 9. licet etiam Vicario suo generali Episcopus possit committere facultatem conferendi beneficia vacatura sive per obitum, sive resignationis altavè de causa; tum quia Vicarius est persona qualificata, tum quia constituit unum cum Episcopo tribunal Castrop. tr. 13. d. 3. p. 5. num. 3. Non potest tamen eidem, multoque minus alteri persona singulari seu privatae (utpote cui nequidem omnium beneficiorum vacaturorum in genere collationem committere potest, juxta c. deliberatione. §. probibemus. de off. leg. in 6. & Castrop. l.c. Garc. p. 1. c. 1. num. 9. &c.) committere collationem respectu tertii beneficii vacaturi, aut respectu certæ personæ juxta. c. constitutus. b. t. & Abb. ibidem num. 5. Laym. in c. 3. de off. Vicar. in 6. num. 3. posset enim quis tertius abuti hac facul-

tate in fraudem Concilii Lateran; dum nimis quis certum beneficium obtinere volens, tubornare posset amicum, ut impetraret ab Episcopo facultatem illud beneficium, cum vacaret, conferendi, & sic spe fatus, quod amicus illud sibi esset collaturus, posset captare & machinare mortem beneficiato, cui ipse succederet. Pith. l.c. cum Abb. l.c. n. 3. Porro qualiter à patrono cuique concedi posset facultas nominandi seu præsentandi ad vacatura illius juri patronatus subjecta, vel etiam ad unicum, cuius solius esset patronus, vide apud Castropalaum. & apud me. for. benef. p. 2. ubi actum de potestate patroni & præsentatione.

Quest. 74. Quæ sunt pœna patientis si bi provideri de beneficio nequidem vacante?

R Esp. Primo: non solum collatio beneficij nequidem vacantis est irrita, sed etiam, qui scienter illam acceperavit, seu permisit se in eo institui, in pœnam hujus sue temeritatis, non potest deinceps, ubi vacaverit, sine Apostolica dispensatione obtinere, sicut, vivente marito contraxit cum ejus uxore matrimonium de facto, non potest, etiam eo mortuo eam ducere juxta. c. fin. de eo qui duxit in uxori. & si si impetrat beneficium illud à Papa, non facta mentione prioris intrusiovis & illegitimæ institutionis sue, vi cuius inhabilis redditus ad illud beneficium obtainendum, provisio illa Apostolica non valeat tanquam subrepititia. Abb. in c. 1. b. t. num. 3. Pith. b. t. num. 3. Arg. c. super literis. & c. postulati. de rescrip. Secus est, seu valet ea provisio in hoc casu, si facta motu proprio. Wiestn. b. t. num. 9. Arg. c. si motu. de præb. Altera pœna illius est, quod ab ecclesiastica communione (hoc est, participacione corporis & sanguinis domini) si removendus, pro ut statuit. c. 1. b. t. junctâ Gl. v. communione. & insuper deponendus juxta. c. cum qui. 7. q. 1. Gl. in cit. c. 1. v. pellendi. Barbos. ibid. num. 1. citans plures alios. Excusat tamen ab his pœnis, qui famam percrebrente de morte, beneficium viventis impetravit. Barbos, l. c. num. 2. cum Maseard, de prob. concl. 1070. num. 2. Sed neque haec pœna extendenda ad cum, qui succedit in beneficio viventis iustâ causâ ab eo depositi. Gl. fin. in cit. c. 1.

TITULUS IX.

Ne Sede vacante aliquid innovetur.

Titulum hunc à me ex professo explanatum speciali tractatu: *de Capitulo Sede vacante* vide in *Vicario Episcopali*. a q. 445. ad q. 620. quorum hic breve compendium do. Unde sit

Quest. 75. An & qualiter administratio & jurisdictione Episcopalis transcat ad Capitalum Sede vacante?

R Esp. Penes Capitulum Cathedrale Sede vacante, tam propriè, hoc est, sive per mortem, sive per renunciationem, R.P. Lestr. Jur. Can. Lib. III.

sive translationem Episcopi, quam impropriè, seu quasi vacante, nimis Episcopo in captivitatem redacto, aut in remotis degente, nullo reliquo Vicario, est administratio & jurisdictione veluti ejus successorem vide me. l.c. q. 447. quod

num exinde etiam dicendum Vicarius Episcopi, dixi q. 448. Idem esse de Capitulo vacantis Ecclesiae non cathedralis, omnimodè tamen exemptæ. Item de Capitulo Ecclesiæ collegiatæ, quæ est titulus Cardinalis, eo defuncto, dixit q. 449. & q. 450. An verò sic etiam transeat jurisdictione ad Capitulum ecclesiæ collegiatæ alterius non exemptæ vacanti, saltem, dum ejus Praepositus vel Decanus habeat jurisdictionem annexam suæ dignitati in ea ecclesia & capellis annexis, & in ejus clericis privativè seu excluso Episcopo, controvertunt AA. utriusque partis sententias una cum rationibus retuli, q. 451. Non transire jurisdictionem ad Capitulum ecclesiæ regularis non exemptæ, Prælatura vacante, sed ad Episcopum, cui subjecta, & quod, si hic administratore nullum constitutus, posse Priorem vel Seniorem tantisper gubernare alios eisque præcipere, etiæ jurisdictionem propriæ non exerceat, dixi. q. 453. uti nec ea transit ad Capitulum, Episcopo vel Prælato alio exemplo excommunicato, suspenso, sed recurretum ad Papam, qui providebit interea de administratore, Episcopo tamen lapsio in hæresin devolvetur ea ad Capitulum, ut pote Sede tunc, non interpretativè, sed verè vacante, ut dixi, q. 454.

Quæst. 76. In qua jurisdictione, & in quibus succedat vel non succedat Episcopo Capitulum?

1. **R**esp. Ad primum: Capitulum succedit Episcopo in jurisdictione tam temporali, quam spirituali àequa terra, exceptis iis, quæ jus commune exicit, aut Papa specialiter interdit, ut dixi, q. 456. & q. 457. An verò succedat ei in jurisdictione tam contentiose seu necessaria, quæ in voluntaria seu gratiose, controvertunt AA. quorum sententias retuli, q. 458.

2. Resp. Ad secundum: non succedit in iis, quæ Episcopo jure speciali competunt, etiæ alias sive jurisdictionis; limitantibus tamen id aliis, q. 459. Contrarium est, seu succedit in jurisdictione, quæ ex consuetudine competit Episcopo ut Episcopo; uti & in iis, quæ ex privilegio in perpetuum concessio competit Episcopo. q. 460. An & qualiter succedat in jurisdictione delegata, diversimodè & confusè tatis explicitant AA, de quo vide me. q. 461. in eo melius convenienter, quod non succedat Episcopo in iis, quæ competunt seu concessa sunt Episcopo alterivè Prælato speciali jure ratione dignitatis; uti nec quo ad facultatem interveniendi alicui alteri, aut præbendi de necessitate consili, Ego. q. 462. & q. 463. Neque in jurisdictione, quam Episcopus simul cum alio distincto à Capitulo exercet. q. 464. Illud indubitatum, quod non succedat in iis, quæ sunt Ordinis Episcopalis; quamvis ea committere possit alteri seu exercere per alium q. 465. Non succedit in emolumenit provenientibus ex jurisdictione, sed ea reservantur Episcopo successori. De quibus tamen emolumenit id intelligentum, vide q. 465.

Quæst. 77. An & qualiter Capitulum condere possit statuta?

Resp. Capitulum Sede vacante majore pollens potestate quam Vicarius Episcopi, ut dixi

q. 470. cum Laym. in c. cum generali, de off. Vicar. in 6. Sbroz, & aliis, potest condere statuta, non tantum de rebus pertinentibus ad Capitulum. V.g. qualiter congregari debeat, vel distributiones dividi, ut Barbos. juris. eccles. l. 1. c. 32. num. 7. &c. cùm etiam Sede plena absque consentu Episcopi id possit. Pignat. Tom. 10. conf. 138. à num. 16. Castrop. tr. 7. d. 1. p. 23. num. 26. Ego. cit. q. 470. Sed etiam tanquam successor Episcopi super competentibus Episcopo ratione jurisdictionis (non tamen in competentibus illi jure speciali) & omnibus pertinentibus ad gubernationem Ecclesiæ, & cultum divinum promovendum; item obligatoria totam diæcclin, quæque de te sint perpetua & duratura etiam accedente Episcopo novo; quamvis is ea pro libitu, non fecus, ac aliorum suorum prædecessorum statuta revocare possit. Ea tamen, quæ tangunt totum statum ecclesiæ, vel sunt de rebus arduis, sicut aliæ Sede plena sine consensu Episcopi, sic etiam Sede vacante Capitulum videtur non posse decernere. Potest insuper juxta dicta à me. q. 471. Capitulum statutorum suorum transgressores punire, utpote quod necessarium est ad legis seu statuti executionem.

Quæst. 78. An possit de delictis inquirere, ea cognoscere & punire?

Resp. Potest Capitulum Sede vacante, etiam extra visitationem de delictis contra certas personas inquirere (etiam syndicando tam suos, quam defuncti Episcopi Officiales, ut dixi, q. 473. etiam cognoscere de causis suspicionum propositis contra suum Vicarium, ut dicitur. q. 474.) item cognoscere aliorum causas judiciales, etiam criminales, et in specie de crimen hæresi, procedere contra hæreticos non exemptos. Punire crimina & excessus, etiam devenire ad degradationem clerici verbalem; non tamen ad actualem & solennem. Quin & cum secularibus ad pœnam capitisi, ubi hæc suprema jurisdictione annexa Episcopatu. q. 475.

Quæst. 79. An possit ferre censuras, & ab iis aliusque casibus absolvere?

Resp. Ferre censuras, & nominatim excommunicare quatensis id poterat Episcopus, suspenderre ab officio & beneficio (non tamen juxta aliquos suspensione perpetua aut diuina) & interdicere potest Capitulum. q. 473. Potest etiam absolvere ab excommunicatione carterisque censuris, ubi id poterat Episcopus. q. 476. item ut dicitur, q. 477. absolvere in foro conscientia à quibus cunque casibus occultis Papæ reservatis, & in specie ab hæresi, & consequenter à reservatis Episcopo.

Quæst. 80. An & in quibus casibus dispensare possit, vel etiam aggratiare, & indulgentias concedere?

1. **R**esp. Ad primum: dispensare potest in irregularitatibus, & in casibus omnibus, in quibus poterat Episcopus, & consequenter in votis, juramentis, cum illegitimis ad Ordinis minores & beneficium simplex q. 478. & 479. Qualiter vero